

JU ZAVOD ZA MEDICINU RADA KANTONA SARAJEVO, Bulevar Meše Selimovića 2. Sarajevo, koga zastupa direktor dr sci. Mirsad Čabaravdić, dr med. (u daljem tekstu: Kupac) i

BROMA BEL d.o.o. Banja Luka, ul. Branka Popovića 39, Banja Luka, koje zastupa direktor Daliborka Javor (u daljem tekstu: Prodavac)

Zaključili su dana 10.05. 2017. godine

U G O V O R o nabavci medicinske opreme

I Predmet Ugovora

Član 1.

Predmet ovog Ugovora je nabavka medicinskog aparata - Defibrilatora, za potrebe internističkog kabineta JU Zavod za medicinu rada Kantona Sarajevo.

Nabavka se odnosi na aparat:

- **DEFIGARD 4000, proizvođača Schiller AG, Švicarska.**

II Kupoprodajna cijena i način plaćanja

Član 2.

Ugovorena cijena medicinske opreme iz Člana 1. ovog Ugovora, bez poreza na dodanu vrijednost iznosi:

6.948,00KM

Slovima: (šesthiljadadevetstotinačetredesetosam 00/100 KM).

Porez na dodanu vrijednost (17 %) iznosi:

1.181,16 KM

Slovima: (hiljadustotinuosamdesetjedan i 16/100 KM).

Ukupna ugovorena cijena, sa porezom na dodanu vrijednost iznosi:

8.129,16 KM

Slovima: (osamhiljadastotinudvadesetdevet i 16/100 KM).

Kupoprodajna cijena medicinske opreme, koja je predmet nabavke uključuje: sve carinske obaveze ili poreze na uvoz i prodaju ili eventualno druge poreze koji su već plaćeni, sve pripadajuće indirektne poreze, cijenu prevoza, osiguranja, cijenu popratnih usluga, instalaciju opreme i bazni trening osoblja / personala.

Član 3.

Ugovorena cijena će se platiti nakon isporuke i instalacije opreme, u roku od 30 dana.

III Isporuka, instalacija i obuka

Član 4.

Isporuka medicinske opreme, koja je predmet ovog Ugovora, izvršit će se u roku od 30 dana od dana potpisivanja.

Član 5.

Po isporuci medicinske opreme, u sjedište Kupca, Prodavac će instalirati opremu u terminu usaglašenom sa Kupcem.
Edukacija personala, za rad na opremi, podrazumijeva potpunu osposobljenost.

IV Garancija i servisna podrška

Član 6.

Garantni rok, za medicinsku opremu koja je predmet ove nabavke je 12 mjeseci, od njene instalacije.

Član 7.

U pogledu servisne podrške / brzine odziva servisa, Prodavac se obavezuje da će biti dostupan, u slučaju potrebe, u roku od 24 sata od poziva, od strane Kupca.

V Obaveze Prodavca

Član 8.

Prodavac se obavezuje, da ispoštuje sve preuzete obaveze:

- u pogledu kvaliteta medicinske opreme, koja je predmet nabavke,
- roka isporuke,
- date garancije,
- odziva servisa.

VI Ostale odredbe

Član 9.

Ugovorne strane su saglasne, da u duhu dobrih poslovnih odnosa i uzajamnog povjerenja, riješe sve eventualne sporove, koji se pojave u vezi sa ovim Ugovorom ili njegovom interpretacijom.
U slučaju da se spor ne može sporazumno riješiti, isti će se povjeriti na rješavanje stvarno ili mjesno nadležnom sudu.

Član 10.

Sve izmjene ovog Ugovora, mogu se vršiti isključivo i samo uz pismenu saglasnost ugovornih strana.

Član 11.

Ovaj Ugovor stupa na snagu danom potpisivanja od strane ovlaštenih lica.

Član 12.

Ovaj Ugovor sačinjen je u 4 (četiri) istovjetna primjeraka, po 2 (dva) za svaku ugovornu stranu.

ZA PRODAVCA

Direktor

Daliborka Javor

ZA KUPCA

Direktor

Dr. sc. Mirsad Čabravdić, dr. med.
spec. med. rada

Broj: 305/17
Sarajevo, 18.05.2017 godine

Broj: 01-08-376-7/17
Sarajevo, 10.05.2017 godine